

Ilinniarsimasat isertitanut sunniutaat

Naatsorsueqqissaartarfimit isertitat pillugit kisitsisitigut paasissutissiarineqartartoq annertusineqarpoq, maanna ilinniarsimasat isertitanut sunniutigisartagaat isertitat pillugit kisitsisitigut paasissutissani takuneqarsinnaalerpoq. Tupaallaatigineqarpallaasagunangilaq isertitaqarnerurusukkaani ilinniarsimasuunissap pingaaruteqarnera.

2014-imi ilinniaqqissimasut (ass. ilinniartitsisut, tusagassiortut aamma nakorsat) agguaqatigiissillugu 464.000 kr.-inik isertitaqarsimapput, meeqqat atuarfiannik naammassinnissimasut 159.000 kr.-inik isertitaqarsimasut. 2014-imi inuussutissarsiuutinik ilinniagaqarsimasut (ass. HK-assistentit, sanasut aamma terminalarbejderit) agguaqatigiissillugu 293.000 kr.-inik isertitaqarsimapput.

Paasissutissani pineqarput Kalaallit Nunaanni najugaqavissut (ukioq naallugu Kalaallit Nunaanni najugaqarsimasut) 14-inik ukioqalereersimasut. Nammineerluni immersugassanit paasissutissat tunngavigalugit isertitat suliarineqarput, isertitat nalunaarutigineqarsimasut tamarmik taakkununga ilaapput – suliaqarnermi isertitatut nalunaarutigineqarsimasut kisimik pineqanngillat. Tassa aningaasarsiat pineqanngillat isertitalli pineqarlutik.

Tabeli 1. 2014-imi agguaqatigiissillugu inuit isertitaat najugaqarfinnut, suaassutsinut qaffasinnerpaamillu ilinniarsimasamut immikkoortillugit (1.000 kr.)

	Illoqarfiit		Nunaqarfiit	
	Angutit	Arnat	Angutit	Arnat
Katillugit	256	195	182	128
Meeqqat atuarfiat	184	137	163	110
Ilinniarnertuutut ilinniarneq	274	173	300	184
Inuussutissarsiuutinik ilinniarneq	336	245	264	202
Qaffassarluni pikkorsissarneq	203	175
Ingerlaqqjilluni ilinniarnarit	557	395	438	381


Najoqqutaq: Kisitsisaataasivik <http://bank.stat.gl/INNP8>

Tabeli 2. 2014-imi agguaqatigiissillugu inuit isertitaat inunngorfinnut, suaassutsinut qaffasinnerpaamillu ilinniarsimasamut immikkoortillugit (1.000 kr.)

	Kalaallit Nunaanni inunngorsimasut		Kalaallit Nunaata avataani inunngorsimasut	
	Angutit	Arnat	Angutit	Arnat
Katillugit	207	175	494	344
Meeqqat atuarfiat	168	130	342	182
Ilinniarnertuutut ilinniarneq	223	154	506	384
Inuussutissarsiutinik ilinniarneq	290	239	510	321
Qaffassarluni pikkorsissarneq	200	172
Ingerlaqqilluni ilinniarnertit	450	367	661	471

Najoqqutaq: Kisitsisaataasivik <http://bank.stat.gl/INNP8>

Titartagaq 1. 2014-imi agguaqatigiissillugu inuit isertitaat ukiunut aamma qaffasinnerpaamik ilinniarsimasanut immikkoortillugit



Najoqqutaq: Kisitsisaataasivik <http://bank.stat.gl/INNP8>

Kisitsisit nutaat Naatsorsueqqissaartarfiup kisitsisaataasivianut filimut ataatsimut aaneqarsinnaapput, kisitsisit nammineq ilusilersorlugit tabelinngortinneqarsinnaapput. Tabelit qulaani takutinneqartut taamaaliornikkut kisitsisaataasivimmit tigusaapput, linki una atorlugu: <http://bank.stat.gl/INNP8>.

Paasissutissanut najoqqutat aamma periutsit pillugit itinerusumik paasissutissat linkimut uunga innersuunneqarput: www.stat.gl/IND201501/m1.

Paasissutissanik allanik piniartunit Naatsorsueqqissaartarfiup pisortaa Anders Blaabjerg saaffigineqarsinnaavoq oqarsuaat una atorlugu 34 57 81 imaluunniit Søren W. Børgensen kisitsisitigut paasissutissalerinermik siunnersorti emalerfigalugu uunga: swbo@stat.gl.